

Ffurflen gofrestru etholiadol ar gyfer cofrestru'n ddiennw

Mae'n bosibl y gallwch gofrestru'n ddiennw os ydych yn pryderu ynglŷn â'r ffaith bod eich enw a'ch cyfeiriad yn ymddangos ar y gofrestr etholiadol am eich bod yn credu y gallai hynny effeithio ar eich diogelwch chi neu ar ddiogelwch rhywun ar yr un aelwyd â chi.

Bydd angen i chi wneud y canlynol:

- Esbonio pam y byddai eich diogelwch (neu ddiogelwch rhywun ar yr un aelwyd â chi) mewn perygl petai eich enw a'ch cyfeiriad yn ymddangos ar y gofrestr etholiadol
- Cyflwyno dogfen llys neu ardystiad gan berson awdurdodedig i ategu eich cais (Rhagor o wybodaeth ar dudalen 4-5).

Sut mae cofrestru'n ddiennw yn gweithio

Os ydych wedi cofrestru'n ddiennw, ni fydd eich enw na'ch cyfeiriad yn ymddangos ar y gofrestr etholiadol ac ni fyddwch yn cael eich cynnwys ar unrhyw ffurflenni cofrestru a anfonir i'ch cyfeiriad. Bydd eich swyddfa cofrestru etholiadol yn cysylltu â chi ar wahân. Byddwch yn gallu pleidleisio o hyd.

Sut i gofrestru i bleidleisio

- 1 Llenwch y ffurflen gofrestru etholiadol hon.
- 2 Sicrhewch eich bod yn llofnodi'r datganiad.
- 3 Cyflwynwch dystiolaeth i ategu eich cais (Rhagor o wybodaeth ar dudalen 4-5).
- 4 Dychwelwch eich ffurflen wedi'i chwblhau a'r dystiolaeth berthnasol atom yn y cyfeiriad a nodir uchod.
- 5 Problemau gyda'r ffurflen? Cysylltwch â'ch swyddfa cofrestru etholiadol os oes angen unrhyw help arnoch i ddeall neu gwblhau'r ffurflen hon – neu os oes angen i chi gael y ffurflen hon mewn print bras neu fformat arall.

Cofrestrwch i bleidleisio cyn gynted â phosibl, neu efallai y bydd yn rhy hwyr i bleidleisio yn yr etholiad nesaf.

Cofrestru i bleidleisio

Gallwch gofrestru i bleidleisio os ydych yn:

- Preswyllo (yn byw fel arfer) yng Nghymru ac yn 14 oed neu drosodd (ond ni fyddwch yn gallu pleidleisio mewn etholiadau cynghorau lleol (cyn mis Mai 2022) nac yn etholiadau'r Senedd nes eich bod yn 16 oed. Ni fyddwch yn gallu pleidleisio yn etholiadau Senedd y DU nac etholiadau Comisiynwyr yr Heddlu a Throseddu nes eich bod yn 18 oed).

Mae'n rhaid i chi hefyd fod naill ai yn:

- Ddinesydd Prydeinig neu Wyddelig, neu
- Ddinesydd y Gymanwlad sydd â chaniatâd i ddod i mewn neu aros yn y DU, neu sydd heb angen caniatâd o'r fath, neu
- Wladolyn tramor sydd â chaniatâd i ddod i mewn neu aros yn y DU, neu sydd heb angen caniatâd o'r fath (gallwch bleidleisio yn etholiadau'r Senedd neu etholiadau cynghorau lleol yn unig), neu
- Ddinesydd yr Undeb Ewropeaidd (gallwch bleidleisio yn etholiadau'r Senedd, etholiadau cynghorau lleol, neu etholiadau Comisiynwyr yr Heddlu a Throseddu yn unig).

Mae'n rhaid i chi ddarparu'r holl wybodaeth y gofynnir amdani yn y ffurflen hon (oni nodir fel arall) neu efallai y bydd eich cais yn destun oedi.

Cofrestru'n ddiennw

Ydych chi am gael eich cynnwys ar y gofrestr etholiadol yn ddiennw? Ticiwch. Nac ydw Ydw

Os ydych, dywedwch wrthym pam eich bod am gael eich cynnwys yn ddiennw. Er enghraifft, oherwydd byddai eich diogelwch chi neu ddiogelwch rhywun sy'n byw ar yr un aelwyd â chi mewn perygl.

Mae'n rhaid i chi ddarparu dogfen llys neu ardystiad i ategu eich cais. (Rhagor o wybodaeth ar dudalen 4-5)

1 Eich enw a'ch cyfeiriad

Enw(au) cyntaf

Cyfenw

Eich cyfeiriad

 Cod post

Dyma'r cyfeiriad lle rydych yn byw, ond ni fydd eich enw na'ch cyfeiriad yn ymddangos ar y gofrestr etholiadol.

Rhif ffôn (dewisol)

E-bost (dewisol)

Cyfeiriad gohebiaeth (os yw'n wahanol)

 Cod post

Dim ond er mwyn cysylltu â chi ynglŷn â'ch cofrestrriad y byddwn yn defnyddio'r cyfeiriad hwn.

Ydych chi'n byw mewn cyfeiriad arall hefyd? Ticiwch. Nac ydw Ydw

Mae nodi eich cyfeiriad e-bost a'ch rhif ffôn yn rhoi ffordd gyflym a hawdd i ni gysylltu â chi ynglŷn â'ch cais.

2 Wedi newid eich enw?

Nodwch eich enw blaenorol mwyaf diweddar (dewisol).

Nodwch ar ba ddyddiad y gwnaethoch newid eich enw (dewisol).

D D M M B B B B

(Rhagor o wybodaeth ar dudalen 6)

3 Ydych chi wedi symud tŷ yn ystod y 12 mis diwethaf?

Ticiwch. Nac ydw Ydw Os ydych, nodwch unrhyw gyfeiriad blaenorol lle rydych wedi byw yn ystod y flwyddyn ddiwethaf neu efallai y bydd eich cais yn destun oedi.

Cod post

Os oedd y cyfeiriad hwn dramor, a oeddech wedi cofrestru yn y DU fel pleidleisiwr tramor?
Ticiwch. Nac oeddwn Ydw

4 Eich dyddiad geni

Os nad ydych chi'n gwybod eich dyddiad geni, ticiwch os ydych chi: (Rhagor o wybodaeth ar dudalen 6)
14-15 16-17 18-75 76 oed neu drosodd
D D M M B B B B (Ddim yn gwybod eich dyddiad geni? Gweler adran 9).

5 Eich cenedligrwydd

Os oes gennych fwy nag un cenedligrwydd, nodwch bob un ohonynt. (Rhagor o wybodaeth ar dudalen 6)
(Ddim yn gwybod eich cenedligrwydd? Gweler adran 9).

6 Eich rhif Yswiriant Gwladol (os ydych yn 16 oed neu drosodd)

Gallwch ei weld ar eich slip cyflog neu ar lythrau swyddogol ynglŷn â threth, pensiynau neu fudd-daliadau.
 Ticiwch os ydych o dan 16 oed. (Ddim yn gwybod eich rhif Yswiriant Gwladol? Gweler adran 9).

7 Y gofrestr agored

Os ydych wedi'ch cynnwys ar y gofrestr agored yn ddiennw, ni fydd unrhyw wybodaeth amdanoch yn ymddangos ar y gofrestr agored. (Rhagor o wybodaeth ar dudalen 6)

8 Pleidleisio drwy'r post neu drwy ddirprwy?

Ticiwch sut yr hoffech bleidleisio a byddwn yn anfon ffurflen gais atoch, neu gallwch lawrlwytho ffurflen gais yn electoralcommission.org.uk/cy/rwyf-yneg-pleidleisiwr/pleidleisiwr. Dylid cadw'r adran hon yn wag os ydych yn bwriadu pleidleisio yn bersonol mewn gorsaf bleidleisio.
 Drwy'r post Drwy ddirprwy (rhywun yn pleidleisio ar eich rhan)

9 Ddim yn gwybod eich dyddiad geni, eich cenedligrwydd neu'ch rhif Yswiriant Gwladol? Dywedwch pam

Os na allwch ddarparu'r manylion hyn, gallwn ofyn i chi am dystiolaeth arall cyn prosesu eich cais.

--

10 Datganiad

Rwy'n byw yn y cyfeiriad hwn ar hyn o bryd. Hyd eithaf fy ngwybodaeth, mae'r wybodaeth ar y ffurflen hon yn wir ac mae'r dystiolaeth i ategu fy nghais yn ddilys. Os yw'r cais hwn yn cynnwys tystiolaeth sy'n ymwneud â rhywun sy'n byw ar yr un aelwyd â mi, mae'r dystiolaeth sy'n ymwneud â'r unigolyn hwnnw hefyd yn ddilys, hyd eithaf fy ngwybodaeth.

Rwy'n deall bod nodi gwybodaeth anwir yn fwriadol ar y ffurflen hon yn drosedd ac os caf fy euogfarnu y gallwn gael fy ngharcharu am hyd at chwe mis a/neu wynebu dirwy anghyfyngedig.

Llofnod

--

Dyddiad heddiw

<input type="text"/>	<input type="text"/>	<input type="text"/>	<input type="text"/>	<input type="text"/>
D	D	M	M	B B B B

Os oes angen help arnoch i lenwi'r ffurflen hon, cysylltwch â'ch swyddfa cofrestru etholiadol. Mae ei fanylion a rhagor o wybodaeth ar gael yn electoralcommission.org.uk/cy/rwyf-yneg-pleidleisiwr/pleidleisiwr.

Tystiolaeth ategol

Mae'n rhaid i chi ddarparu dogfen llys neu ardystiad fel tystiolaeth i ddangos y byddai eich diogelwch chi neu ddiogelwch rhywun ar eich aelwyd mewn perygl pe byddai eich enw a'ch cyfeiriad yn ymddangos ar y gofrestr. Ticiwch y blwch perthnasol:

- Rwyf wedi amgáu dogfen llys gymwys sy'n sicrhau fy mod i yn cael fy niogelu (gweler adran A isod)
- Rwyf wedi amgáu dogfen llys gymwys sy'n sicrhau bod rhywun ar fy aelwyd yn cael ei ddiogelu (gweler adran A isod) a phrawf (e.e. trwydded yrru cerdyn-llun neu fil cyfleustod) fy mod yn byw ar yr un aelwyd â hwy
- Rwyf wedi amgáu ardystiad gan swyddog cymwys sy'n ardystio y byddai fy niogelwch mewn perygl (gweler Adran B a ffurflen ardystio dros y dudalen)
- Rwyf wedi amgáu ardystiad gan swyddog cymwys sy'n ardystio y byddai diogelwch rhywun arall ar yr un aelwyd â mi mewn perygl (gweler adran B a'r ffurflen ardystio drosodd) a phrawf (e.e. trwydded yrru cerdyn-llun neu fil cyfleustod) fy mod yn byw ar yr un aelwyd â hwy.

Gan mai am flwyddyn yn unig y mae cofrestriadau dienw yn ddilys, dylech gadw copïau o orchymynion llys neu gopi o ardystiadau ar gyfer gwneud ceisiadau dilynol.

Os nad ydych yn siŵr pa dystiolaeth ategol y gallwch ei chyflwyno, cysylltwch â'ch swyddfa cofrestru etholiadol. Mae ei fanylion a rhagor o wybodaeth ar gael yn electoralcommission.org.uk/cy/rwyf-yneg-pleidleisiwr/pleidleisiwr.

A Dogfennau llys cymwys

Dogfennau llys y gallwch eu defnyddio i ategu eich cais:

- gwaharddeb i atal unigolyn rhag ymddwyn mewn ffordd sy'n gyfystyr ag aflonyddu a roddir o dan Adran 3 o Ddeddf Diogelu rhag Aflonyddu 1997, neu o dan erthygl 5 o Orchymyn Diogelu rhag Aflonyddu (Gogledd Iwerddon) 1997
- gwaharddeb a roddir o dan Adran 3A(2) o Ddeddf Diogelu rhag Aflonyddu 1997
- gorchymyn atal a wneir o dan Adran 5(1) o Ddeddf Diogelu rhag Aflonyddu 1997, neu o dan erthygl 7 o Orchymyn Diogelu rhag Aflonyddu (Gogledd Iwerddon) 1997
- gorchymyn atal a wneir yn dilyn rhyddfarn o dan Adran 5A(1) o Ddeddf Diogelu rhag Aflonyddu 1997, neu o dan erthygl 7(A)1 o Orchymyn Diogelu rhag Aflonyddu (Gogledd Iwerddon) 1997
- gorchymyn rhag aflonyddu, ataleb neu ataleb interim a wneir o dan Adran 8 neu 8A o Ddeddf Diogelu rhag Aflonyddu 1997
- gorchymyn rhag aflonyddu a wneir o dan Adran 234A(2) o Ddeddf Gweithdrefn Troseddol (yr Alban) 1995
- gorchymyn peidio ag ymyrryd a wneir o dan Adran 42(2) o Ddeddf Cyfraith Teulu 1996, neu o dan erthygl 20(2) o Orchymyn Cartrefi Teuluol a Thrais Domestig (Gogledd Iwerddon) 1998
- ataleb briodasol o fewn ystyr Adran 14 o Ddeddf Cartrefi Priodasol (Amddiffyn y Teulu) (yr Alban) 1981
- ataleb ddomestig o fewn ystyr Adran 18A o Ddeddf Cartrefi Priodasol (Amddiffyn y Teulu) (yr Alban) 1981
- ataleb berthnasol o fewn ystyr Adran 113 o Ddeddf Partneriaeth Sifil 2004
- ataleb y pennwyd ei bod yn ataleb cam-drin domestig o fewn ystyr Adran 3 o Ddeddf Cam-drin Domestig (yr Alban) 2011
- unrhyw ataleb sy'n cynnwys y pŵer i arestio a wneir o dan Adran 1 o Ddeddf Amddiffyn rhag Camdriniaeth (yr Alban) 2001
- gorchymyn amddiffyn rhag priodas dan orfod neu orchymyn amddiffyn interim rhag priodas dan orfod a wneir o dan Ran 4A o Ddeddf Cyfraith Teulu 1996, neu o dan Adran 2, a pharagraff 1 o Atodlen 1 i Ddeddf Priodas dan Orfod (Amddiffyn Sifil) 2007, neu o dan Adran 1 neu Adran 5 o Ddeddf Priodas dan Orfod ac ati (Amddiffyn ac Awdurdodaeth) (yr Alban) 2011
- gorchymyn amddiffyn rhag trais domestig a wneir o dan adran 28 o Ddeddf Trosedd a Diogelwch 2010 neu adran 97, a pharagraff 5 o Atodlen 7 i Ddeddf Cyfiawnder (Gogledd Iwerddon) 2015
- gorchymyn amddiffyn rhag anffurfio organau cenhedlu benywod a wneir o dan adran 5A, a pharagraffau 1 neu 18 o Atodlen 2 i Ddeddf Anffurfio Organau Cenhedlu Benywod 2003.

Nid oes unrhyw ddogfennau llys eraill yn dderbyniol.

Mae'n rhaid i'r ddogfen llys fod yn weithredol ar ddyddiad eich cais i gofrestru'n ddienw.

B Swyddogion cymwys

Dim ond y sawl a nodir isod all ardystio cais.

Ni ellir dirprwyo ardystiad i unigolyn ar lefel is o fewn sefydliad. Yr unig eithriad yw lle mae'r ymgeisydd o dan 16 oed ar y dyddiad y caiff y cais ei wneud. Yn yr achos hynny, gall unrhyw gyfarwyddwr gwasanaethau cymdeithasol yng Nghymru awdurdodi'n ysgrifenedig i unigolyn arall ardystio cais. Lle mae hyn yn berthnasol, mae rhaid i awdurdodiad gan gyfarwyddwr gwasanaethau cymdeithasol yng Nghymru ategu'r ardystio.

- swyddog heddlu ar reng arolygydd neu reng uwch mewn unrhyw heddlu yng Nghymru a Lloegr
- swyddog heddlu ar reng arolygydd neu reng uwch yng Ngwasanaeth Heddlu'r Alban
- swyddog heddlu ar reng arolygydd neu reng uwch yng Ngwasanaeth Heddlu Gogledd Iwerddon
- Cyfarwyddwr Cyffredinol y Gwasanaeth Diogelwch
- Cyfarwyddwr Cyffredinol yr Asiantaeth Troseddau Genedlaethol
- unrhyw gyfarwyddwr gwasanaethau cymdeithasol i oedolion yn Lloegr o fewn ystyr adran 6(A1) o Ddeddf Gwasanaethau Cymdeithasol Awdurdodau Lleol 1970
- unrhyw gyfarwyddwr gwasanaethau plant yn Lloegr o fewn ystyr adran 18 o Ddeddf Plant 2004
- unrhyw gyfarwyddwr gwasanaethau cymdeithasol yng Nghymru o fewn ystyr adran 144 o Ddeddf Gwasanaethau Cymdeithasol a Llesiant 2014
- unrhyw brif swyddog gwaith cymdeithasol yn yr Alban o fewn ystyr adran 3 o Ddeddf Gwaith Cymdeithasol (yr Alban) 1968
- unrhyw gyfarwyddwr gwasanaethau cymdeithasol Bwrdd Iechyd a Gwasanaethau Cymdeithasol a sefydlwyd o dan erthygl 16 o Orchymyn Gwasanaethau Cymdeithasol Iechyd a Phersonol (Gogledd Iwerddon) 1972
- unrhyw gyfarwyddwr gweithredol gwaith cymdeithasol Ymddiriedolaeth Iechyd a Gwasanaethau Cymdeithasol a sefydlwyd o dan erthygl 10 o Orchymyn Gwasanaethau Cymdeithasol Iechyd a Phersonol (Gogledd Iwerddon) 1972
- unrhyw ymarferydd meddygol cofrestredig
- unrhyw nyrs neu fydwaig gofrestredig
- unrhyw berson sy'n rheoli lloches. Ystyr "lloches" yw llety â rhaglen gynlluniedig o gymorth therapiwtig ac ymarferol i'r sawl sydd wedi dioddef, neu sydd mewn perygl o ddioddef camdriniaeth neu drais domestig.

Ffurflen ardystio

I'w chwblhau gan swyddog cymwys yn unig
(gall y swyddog cymwys ddefnyddio ffurflen a ddarperir gan ei sefydliad ei hun).

Enw llawn y ceisydd

Enw(au) pobl eraill ar yr un aelwyd â'r ceisydd y bydd yr ardystiad yn gymwys iddynt (os yw'n berthnasol).

Rwy'n ardystio y byddai diogelwch y ceisydd, ac unrhyw berson[au] a nodir uchod sy'n byw ar yr un aelwyd, mewn perygl petai'r gofrestr yn cynnwys enw neu gyfeiriad cymwys y ceisydd.

Bydd fy ardystiad yn weithredol am (ticiwch un blwch yn unig):

Yr uchafswm cyfnod (5 mlynedd)

Cyfnod arall (o leiaf flwyddyn)

Enw llawn yr ardystiwr

Teitl swydd (fel swyddog cymwys)

Heddlu / awdurdod lleol /
corff cymwys arall

Rhif ffôn (dewisol)

E-bost (dewisol)

Llofnod

Dyddiad heddiw

D D M M B B B B

Os nad ydych yn siŵr pa dystiolaeth ategol y gallwch ei chyflwyno, cysylltwch â'ch swyddfa cofrestru etholiadol. Mae ei fanylion a rhagor o wybodaeth ar gael yn electoralcommission.org.uk/cy/rwyf-yneg-pleidleisiwr/pleidleisiwr.

Eich cenedligrwydd

Gallwch gofrestru i bleidleisio yn y DU os ydych yn ddinesydd o Brydain (gan gynnwys Cymru, Lloegr, yr Alban neu Ogledd Iwerddon), Gweriniaeth Iwerddon neu'r Undeb Ewropeaidd, neu'n ddinesydd y Gymanwlad neu ddinesydd tramor sydd â chaniatâd i ddod i mewn i'r DU neu aros ynddi, neu nad oes angen caniatâd o'r fath arnoch. Efallai y bydd angen tystiolaeth ychwanegol arnom ynghylch eich cenedligrwydd neu efallai y byddwn yn cadarnhau eich cenedligrwydd neu'ch statws mewn fudo yn erbyn cofnodion y llywodraeth. Os oes gennych fwy nag un cenedligrwydd, nodwch bob un ohonynt.

Eich dyddiad geni

Os nad ydych yn gwybod eich dyddiad geni, nodwch y dyddiad rydych yn ei roi ar ddogfennau swyddogol (er enghraifft, eich pasbort neu drwydded yrru). Mae eich dyddiad geni yn ein helpu i wybod pwy ydych chi a chadarnhau p'un a ydych yn gymwys i bleidleisio, a gellir ei ddefnyddio i'ch galw i wasanaeth rheithgor.

Wedi newid eich enw?

Er enghraifft, efallai eich bod wedi newid eich enw am eich bod wedi priodi. Nid oes rhaid i chi roi manylion i ni am newid eich enw ond bydd yn ein helpu i wybod pwy ydych chi. Os na roddir y wybodaeth hon, mae'n bosibl y bydd angen i chi gyflwyno tystiolaeth ddogfennol arall.

Y gofrestr agored

Mae dau fath o gofrestr. Pam?

Gan ddefnyddio gwybodaeth gan y cyhoedd, mae swyddogion cofrestru yn cadw dwy gofrestr – y gofrestr etholiadol a'r gofrestr agored (a elwir hefyd yn gofrestr a gafodd ei golygu).

Mae'r **gofrestr etholiadol** yn rhestru enwau a chyfeiriadau pawb sydd wedi cofrestru i bleidleisio mewn etholiadau cyhoeddus. Defnyddir y gofrestr at ddibenion etholiadol, fel sicrhau mai dim ond pobl gymwys a all bleidleisio. Caiff ei defnyddio hefyd at ddibenion cyfyngedig eraill a nodir yn y gyfraith, megis:

- canfod trosedd (e.e. twyll)
- galw pobl i wasanaeth rheithgor
- gwirio ceisiadau am gredyd.

Mae'r **gofrestr agored** yn rhan o'r gofrestr etholiadol, ond ni chaiff ei defnyddio ar gyfer etholiadau. Gall unrhyw berson, cwmni neu sefydliad ei phrynu. Er enghraifft, caiff ei defnyddio gan fusnesau ac elusennau er mwyn cadarnhau enwau a chyfeiriadau. Os ydych yn 16 neu drosodd, caiff eich enw a'ch cyfeiriad eu cynnwys ar y gofrestr agored oni fyddwch yn gofyn iddynt gael eu dileu. Ni fydd dileu eich manylion o'r gofrestr agored yn effeithio ar eich hawl i bleidleisio.

Os ydych wedi'ch cynnwys ar y gofrestr agored yn ddiennw, ni fydd unrhyw wybodaeth amdanoch yn ymddangos ar y gofrestr etholiadol na'r gofrestr agored.

Gallwch gael rhagor o wybodaeth am y ddwy gofrestr a sut y gellir eu defnyddio yn [gov.uk/cofrestru-i-bleidleisio](https://www.gov.uk/cofrestru-i-bleidleisio).

Datganiad preifatrwydd

Rydym yn casglu gwybodaeth o dan y sail gyfreithiol ei bod yn dasg a gynhelir er budd y cyhoedd, fel y nodir yn Neddf Cynrychiolaeth y Bobl 1983, Deddf Senedd ac Etholiadau (Cymru) 2020 a rheoliadau cysylltiedig. Byddwn yn cadw gwybodaeth bersonol yn ddiogel ac yn cydymffurfio â deddfwriaeth diogelu data.

Dim ond at ddibenion etholiadol y byddwn yn defnyddio'r wybodaeth a rowch i ni. Ni fyddwn yn rhannu gwybodaeth bersonol ag unrhyw un arall, oni bai ei bod yn rhaid i ni wneud hynny yn ôl y gyfraith.

Y Swyddog Cofrestru Etholiadol yw'r Rheolydd. I gael rhagor o wybodaeth am brosesu data personol, dylech gyfeirio at ei hysbyseb preifatrwydd ar ei wefan. Gallwch ddod o hyd i gyfeiriad ei wefan a'i fanylion cyswllt yn [electoralcommission.org.uk/cy/rwyf-yneg-pleidleisiwr/pleidleisiwr](https://www.electoralcommission.org.uk/cy/rwyf-yneg-pleidleisiwr/pleidleisiwr).

Problemau gyda'r ffurflen?

Cysylltwch â'ch swyddfa cofrestru etholiadol os oes angen unrhyw help arnoch i ddeall neu gwblhau'r ffurflen hon – neu os oes angen i chi gael y ffurflen hon mewn print bras neu fformat arall. Mae ei fanylion a rhagor o wybodaeth ar gael yn [electoralcommission.org.uk/cy/rwyf-yneg-pleidleisiwr/pleidleisiwr](https://www.electoralcommission.org.uk/cy/rwyf-yneg-pleidleisiwr/pleidleisiwr).